



Wōn eo ij kebaak elañe ewōr aō abnōnō kin keij eo aō ejab wōr jemlokin ibben rijerbal in keij eo aō ibben FVS?

Ñe ewōr am abnōnō ak inebata kin wāween aer kōmadmōde keij eo am, kall ae lok supervisor eo an rijerbal in keij eo am ibben FVS. Ñe ejañin de wōr tōbrak kin abnōnō ko am, kwōmaron kūrlok Rikōmadmōd eo an Jikin eo.

- *Kwōmaron bar kūrlok Opij eo an Constituent Relations (Jikin eo ej lale Abnōnō) ilo 800-723-4831 ak 360-902-8060 ñan jibañ jabdewōt ien, ak kwōmaron kall ae lok Opij eo an Family and Children's Ombuds Office (Opij eo an Rijerbal eo ej bok eddoin Abnōnō ilo Opij eo ej jibañ Baamle im Ajiri) ilo 800-571-7321.*

Opij eo an Rijerbal eo ej lale Abnōnō ej loe abnōnō im inebata ko ikijen makūtkūt ko an Department of Children, Youth, and Families (Opij eo ej bōk eddoin kakien ko rej jibañ Ajiri, Jodikdik, im Baamle). Ewōr am maron in etale abnōnō ko.

Jerbal in Jibañ ko an Baamle Make Bebe in Bōk Kwōnaer

*Kejbarok an Ajiri Jab
Bed ilo Uwōta Ilo Ad
Kakajur Baamle ko*



Washington State Department of
CHILDREN, YOUTH & FAMILIES

Ta in Family Voluntary Services (Jerbal in jibañ ko an baamle make bebe in bōk kwōnaer, FVS)?

FVS ej juon burokraam ej kōtlok an jinen im jemen ajiri kelet in bōk kwōnaer ilo jerbal in jibañ ko rej kōtōbrak aikuj ko an ajiri eo nejeir ikijen kejbarok, ejmour, im ainemmon.

Kōtōbar eo an FVS ej ñan kejbarok an ajiri jab bed ilo uwōta in jorrāan im kōtōbrak aikuj ko aer ilo aer kakajur im kejbarok an baamle eo bed ibben doon. Jabdewōt ien kwōmaron kelet in kabōjrak am jerbal ibben FVS. Ñe kwōnaj kelet in kabōjrak jerbal in jibañ ko ikijen FVS, Department of Children, Youth and Family (Opj eo ej bōk eddoin kakien ko rej jibañ Ajiri, Jodikdik, im Baamle, DCYF) enaj etale joñan kejbarok im uwōta im lomnak elañe rej kiil keij eo ak bael ae juon kajjitokin in lale wōn ej bōk eddoin ajiri ro.

Ta eo kwōmaron kātmane jen rijerbal in keij eo am ibben FVS

- Ñan kautiej aer lale kwe im ajiri ro nejum.
- Ñan jerbal ibbam im kōmmame juon bebe in kejbarok an ajiri ro nejum jab bed ilo uwōta im loloorjak ke etōbrak aikuj ko an ajiri ro nejum.
- Ñan lelok jerbal in jibañ ko rejjet ñan kwe im baamle eo am.
- Ñan aer kenono ibben ajiri ro nejum ilo mweo imōm juon ak ruo alen ilo juon allōñ.
- Ñan kenono ibbam jab diklok jen alen ilo juon allōñ ilo mweo imōm, ilo aer kōjella ak jab kōjella, ñan kenono kin tōbrak im abañ ko.
- Ñan tōbar jikin ko rej lewaj jibañ, jikin ko rej jerbal ibben armij ro ilo jukjukinbed, baamle im ro mōttam (ilo am kōmelim) ñan bōk lomnak jen ro jet kin tōbrak eo am im an baamle eo am.
- Ñan kenono ibbam kin jorrāan ko rej walok ilon juon baamle im mennin uwōta ko jet ñan baamle eo am.
- Ñan lewaj melele ñan kwe kin kejbarok niñniñ ko redik elañe ekkar.
- Ñ ewōr lomnak ke rej wia kake ajiri eo nejum kin manit ko rej kakkure ajiri, ñan kadedelok juon etale im lelok jerbal in jibañ ko renaj jibañ.

Ta eo rijerbal in keij eo am ibben FVS ej kātmane jen kwe

- Ñan bōk kwōnaam ilo madmōdin etale eo im jibañ kōmmame juon bebe in kejbarok an ajiri ro nejum jab bed ilo uwōta in jorrāan.
- Ñan loor juon bebe ñan kejbarok jen jorrāan (elañe ewōr juon am).
- Ñan bōk kwōnaam ilo jerbal in jibañ ko ñan kejbarok ajiri ro nejum jen jorrāan im kadiklok uwōta ñan aer ioon jorrāan ak kajool.
- Ñan kōmelim an rijerbal in keij eo an FVS kenono ibben ajiri ro nejum wot.
- Ñan an niknik ien am kenono ibben rijerbal in keij eo an FVS.
- Ñan kejbarok an rijerbal eo an keij ibben FVS jela melele kin jabdewōt oktak ilo jekjek eo am.
- Ñan jain peba ñan lelok melele ko ñan kwe im ajiri ro nejum.
- Ñan am kautiej ilo am loloorjak ke rijerbal in keij eo emelele jekjek, aikuj, im wāween ko an baamle eo am.



Ewi wāween an FVS jerbal?

Remaron ba rej lewaj FVS elañe DCYF enaj etale baamle eo am kin melele ko emōj nae rueur ikijen jorrāan, kajool ajiri, ak manit ko elab joñan aer kauwōtata im:

- Ewōr abnōnō kin an naj wōr jorrāan ak kajool ilo jeklaj AK
- Ewōr abnōnō kin an ajiri eo nejum bed ilo uwōta ilo ien in.

Baamle ko remaorn bar kajjitok jerbal in jibañ ko an FVS ilo ien rej aikuj ilo ak kūrlok DCYF.

